



Broj: 02-02-1122-2/21-7

Jablanica, 27.05.2021. godine

Na osnovu člana 8. i člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), člana 13. Odluke o donošenju mjera za pomoć pravnim i fizičkim licima zbog proglašenja stanja nesreće uzrokovane pojavom koronavirusa (COVID - 19), a za ublažavanje negativnih ekonomskih posljedica ("Službeni glasnik Općine Jablanica" broj: 5/20) i člana 18. Statuta Općine Jablanica ("Službeni glasnik Općine Jablanica" broj: 2/09, 8/16 i 2/20), Općinsko vijeće Jablanica, na 7. redovnoj sjednici održanoj dana 27.05.2021. godine, *d o n o s i*

## **ODLUKU**

### **o donošenju mjera za pomoć pravnim i fizičkim licima koji su za vrijeme trajanja pandemije koronavirusa, obavljali djelatnost u otežanim uslovima**

#### **Član 1.**

Ovom Odlukom utvrđuju se mjere za pomoć pravnim i fizičkim licima, registrovanim na području općine Jablanica, koji su za vrijeme trajanja pandemije koronavirusa, obavljali djelatnost u otežanim uslovima, (u daljem tekstu Privredni subjekti).

#### **Član 2.**

U cilju pomoći privrednim subjektima koji su za vrijeme trajanja pandemije koronavirusa obavljali djelatnost, registrovanim na području općine Jablanica, osigurana su grant sredstva u ukupnom iznosu od 53.400,00 KM (pedeset tri hiljade četiri stotine konvertibilnih maraka)

Pravo na grant sredstva iz stava 1. ovog člana imaju privredni subjekti:

- Obrtnici koji obavljaju djelatnost u skladu s Uredbom o zaštiti tradicionalnih i starih obrta ("Službene novine Federacije BiH", br. 66/09, 38/10 i 16/12) i koji posluju najmanje 12 mjeseci, sa sjedištem na području Općine Jablanica, koji su u većinskom privatnom vlasništvu državljana Bosne i Hercegovine, te imati najmanje 1 (jednog) zaposlenog na neodređeno vrijeme;
- Obrtnici koji obavljaju djelatnost u skladu s Uredbom o vezanim i posebnim obrtima ("Službene novine Federacije BiH", br. 66/09, 62/10 i 16/12), koji posluju najmanje 12 mjeseci, koji su u većinskom privatnom vlasništvu državljana Bosne i Hercegovine, te imati najmanje 1 (jednog) zaposlenog na neodređeno vrijeme;
- Novoosnovani Privredni subjekti definisani po Zakonu o poticanju razvoja male privrede i Zakonu o obrtu i srodnim djelatnostima, koji imaju sjedište na području općine Jablanica, nalaze se u većinskom privatnom vlasništvu državljana Bosne i Hercegovine te imaju najmanje 1 (jednog) zaposlenog na neodređeno vrijeme, a registrovani su poslije proglašenja stanja nesreće uzrokovane pojavom koronavirusa na području Federacije Bosne i Hercegovine, odnosno poslije 16.03.2020. godine. Nisu prihvatljive prijave subjekata male privrede koji imaju registrovanu osnovnu djelatnost u oblasti namjenske industrije, proizvodnje i prerade duhana i igara na sreću.
- Privredni subjekti (d.o.o. i d.d.) definisani po Zakonu o poticanju razvoja male privrede, koji imaju sjedište na području općine Jablanica, koji posluju najmanje 12 mjeseci, koji su



u većinskom privatnom vlasništvu državljana Bosne i Hercegovine, koji su imali iskazano pozitivno poslovanje u 2019. godini, i koji nisu imali smanjenje zaposlenih od proglašenja stanja nesreće uzrokovane pojavom koronavirusa na području Federacije Bosne i Hercegovine.

- Privredni subjekti (fizičke osobe) koje su registrovane prema Zakonu o obrtu i srodnim djelatnostima („Službene novine FBiH“, broj: 35/09 i 42/11), Zakonu o ugostiteljskoj djelatnosti (Službene novine HNK“, broj: 12/17), Zakonu o unutrašnjoj trgovini FBiH („Službene novine FBiH“, broj: 40/10 i 79/17), Zakonu o cestovnom prijevozu FBiH („Službene novine FBiH“, broj: 28/06 i 2/10), koji posluju najmanje 12 mjeseci, koji su u većinskom privatnom vlasništvu državljana Bosne i Hercegovine, te imati najmanje 1 (jednog) zaposlenog na neodređeno vrijeme.

### **Član 3.**

Mjere pomoći privrednim subjektima odnose se na subvencioniranje istih za: nabavku opreme i repromaterijala, tehnološku modernizaciju poslovnih procesa, podršku unapređenju znanja i vještina zaposlenih, promociji izvoznih potencijala i pristupa novim tržištima i omogućavanje jačanja konkurentnosti privrednih subjekata na području općine Jablanica, a s ciljem ublažavanje negativnih ekonomskih posljedica izazvanih koronavirusom.

### **Član 4.**

Za dodjelu grant sredstava iz člana 2. ove Odluke Općina Jablanica raspisuje javni poziv. Javni poziv se objavljuje u sredstvima javnog informisanja, oglasnoj tabli općine i na web stranici Općine Jablanica ([www.jablanica.ba](http://www.jablanica.ba)).

Javni poziv za pomoć za pomoć pravnim i fizičkim licima, registrovanim na području općine Jablanica, koji su za vrijeme trajanja pandemije koronavirusa, obavljali djelatnost u otežanim uslovima, odnosno sredstva obezbjeđena ovom Odlukom, mogu biti objedinjena sa Javnim pozivom, odnosno sredstvima predviđenim za subvencioniranje privrednih subjekata na području općine Jablanica u skladu sa Programom subvencioniranja privrednih subjekata na području općine Jablanica („Službeni glasnik Općine Jablanica“, broj: 14/19).

Zahtjev za dodjelu sredstava iz člana 2. ove Odluke podnosi se na prijavnim obrascu, koji će biti sastavni dio Javnog poziva, uz koji se prilažu odgovarajući dokazi o ispunjavanju uslova, a za ostvarivanje prava.

### **Član 5.**

Općinski načelnik imenuje Komisiju za izbor i nadzor korisnika sredstava, koja će prema Smjernicama za podnositelje projektnih prijedloga, vršiti izbor korisnika sredstava.

Smjernice za podnositelje projektnih prijedloga će uvrstiti Općinski načelnik zajedno sa nadležnim Službama Općine Jablanica.

Komisija će predložiti Općinskom načelniku prijedlog liste aplikanata koji ispunjavaju uslove javnog poziva. Privremena rang lista će se objaviti na oglasnoj tabli Općine i na web stranici Općine Jablanica ([www.jablanica.ba](http://www.jablanica.ba)).

U roku od osam (8) dana od dana objavljivanja privremene rang liste svaki aplikant može podnijeti pismeni prigovor na listu. Prigovor se upućuje Općinskom načelniku. Nakon isteka roka za prigovor, Općinski načelnik zajedno sa Komisijom razmatra prigovore, te utvrđuje i donosi konačnu listu aplikanata koja se objavljuje oglasnoj tabli općine i na web stranici Općine Jablanica ([www.jablanica.ba](http://www.jablanica.ba)).

### **Član 6.**

Općinski načelnik će zaključiti pojedinačne ugovore sa odabranim korisnicima sredstava, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

### **Član 7.**

Provjeru namjenskog utroška sredstava od strane korisnika vršit će kontinuirano Komisija za izbor i nadzor korisnika sredstava, a na kraju projekta podnijet će izvještaj Općinskom načelniku.

### **Član 8.**

Ova Odluka stupa na snagu danom objavljivanja u "Službenom glasniku Općine Jablanica".

PREDSJEDAVAJUĆI OV – a

Emir Muratović, BA ing.građ.